

難長嘯青雲外自嗟自笑了無憾海愁山

卜算子景泰山次韻東坡三首

雲散雨初晴蟬噪林逾靜古寺敲鐘暮掩門燈映琉璃影
浩氣鎮長存昨夢還重省獨倚欄杆嘯一聲毛髮蕭蕭冷

二

古寺枕空山樓上昏鐘靜飢鼠偷燈尾蘸油悄悄無人影
長劍匣中鳴今古深思省此夕行藏獨倚樓風雨淒淒冷

三

漁火海邊明烟鎖千山靜獨坐僧窗夜未央寂寞孤燈影
感慨興懷往事無人省江漢飄浮二十年一枕西風冷

道藏輯要

白真人集

美

叟集三
川上八

蝶戀花

綠暗紅稀春已暮燕子啣泥飛入誰家去柳絮欲停風不住杜
鵑聲裏山無數白馬青衫無定據好底林泉信腳隨緣寓拚
卻此生心已許一川風月聊爲主

沁園春送王侍郎歸三山

錦繡文章珪璋聞望碧落侍郎昨履聲漸近星辰避次竹符重
剖湖海生光委羽天空石橋水冷每爲泉生時雨滂君知否是
民心襦袴吏膽冰霜少須召入鴈行也不念無人荷紫囊有
本朝曾日移春手段舊家義獻補月心腸此去三山卻登八座
已準金甌姓字香還朝處雙鳧作對五馬成行